

Imaatigut ajunaarnernik, isumannaallisaanermik misissuinerit pillugit inatsimmik Kalaallit Nunaannut atuutilersitsinissaq pillugu peqqussummik, Namminersorlutik Oqartussat akuersissuteqarnissaannik Inatsisartut aalajangiiffigisassaattut siunnersuut
(Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisoq)

Akissuteqaat

(Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisoq)

Aappassaaneerinnineq

Siullermik Sanaartornermut Ataatsimiititaliap siunnersuummik peqqissaarullugu suliaqarneranut, Naalakkersuisut sinnerlugit qutsavigaara. Naalakkersuisunit maluginiarparput, ataatsimiititaliami ilaasortat tamarmiullutik aalajangiiffigisassatut siunnersuut tapersersoraat.

Peqqussutip atortuulersinneqarnerata kingorna, imaatigut ajunaarnernik Den Maritime Havarikommissioni (Imarsiornermi Umiiarnerit pillugit Ataatsimiitsitaliaq) pillaasarnermut inatsimmut, taarsiissuteqartarnermullu inatsimmut tunngasunut avissaartillugit misissuisinnaalissaaq. Taassuma inatsisitigut isumannaallisaaffigineqarneq annertusissavaa. Naalakkersuisunit suli neriuutigaarput, isumannaallisaanermik misissuinerinik pitsanngorsaaneq siunissami nunatsinni imarsiornermi isumannaallisaanermut pitsanngorsaassasoq.

Inatsisartut aalajangiinerat Erhvervsministeriaqarfimmut piaartumik nalunaarutigineqassaaq. Peqqussut akuersissutigineqassappat, imaatigut ajunaarnernik, isumannaallisaanermik misissuinerit pillugit inatsit kunngip peqqussutaatigut 1. september 2026-mi atuutilissaaq.

Taamak naatsumik oqaaseqarlunga Naalakkersuisunit inassutigaarput, siunnersuut Inatsisartunit nangillugu oqaluuserineqassasoq.